

Sloboda osvojila vrijedan bod protiv Željezničara na Grbavici



U utakmici petog kola BH Telecom Premijer lige Bosne i Hercegovine Željezničar i Sloboda su podijelili bodove (2:2), a u ovom susretu Plavi su dva puta imali prednost, no ispuštali su je.

Željezničar je krenuo ofanzivno u ovom susretu. Sadiković je u desetoj minuti uputio slab udarac. Opasan centaršut Asima Zeca u 11. minuti pratio je Lakić i odlično intervenisao. Smajić je izblokirao pred golom Plavih u 16. minuti. Željezničar je došao do prednosti u 18. minuti kada je pogodio glavom Bogičević nakon centaršuta Sadikovića.

Sloboda je zaprijetila u 22. minuti kada je Smajić pokušao u padu, ali Erić je odbranio. Krpić je bio u šansi u 23. minuti, no promjene rezultata nije bilo. Ermin Zec je šutirao u 27. minuti, a Lakić je odbranio. Sloboda je izjednačila u 30. minuti fenomenalnim golom bivšeg igrača Plavih, Bekrića, koji nije slavio gol i izvinio se.

Tuzlaci su proigrali nakon gola. U sudijskoj nadoknadi viđen je još jedan fenomenalan gol iz slobodnjaka. Sadiković je zatresao mrežu Slobode za novo vodstvo Plavih. U drugom poluvremenu viđen je otvoren meč, ali na početku nije bilo većih uzbuđenja. Sjajan udarac Bekrića u 69. minuti iz slobodnog udarca odbranio je Erić.

Ramović je pokušao u 73. minuti, a zatim i Veselinović, ali rezultat se nije mijenjao. U 80. minuti uslijedio je hladan tuš na Grbavici. Hodžić je ušao s klupe i samo nakon nekoliko sekundi postigao je gol za 2:2. U nastavku Plavi su napadali, a u 89. minuti Krpić je šutirao pored gola. Do kraja je viđeno još nekoliko šansi, ali rezultat se nije mijenjao. (scsport)

Rezultati susreta 5. kola nogometne Premijer lige BiH:

Velež – Široki Brijeg 1:0
Borac Banja Luka – Mladost Doboj Kakanj 0:0
Željezničar – Sloboda Tuzla 2:2
Tuzla City – Zrinjski (nedjelja, 20:30)
Sarajevo – Radnik Bijeljina (ponedjeljak, 20:30)

Ljestvica:

1. FK ŽELJEZNIČAR 5 3 2 0 7:2 11
2. FK TUZLA CITY 4 3 0 1 8:5 9
3. FK BORAC 5 2 2 1 4:3 8
4. NK ČELIK 5 2 2 1 5:5 8
5. FK SARAJEVO 3 2 1 0 4:0 7
6. FK SLOBODA 5 1 3 1 6:8 6
7. FK MLADOST DOBOJ KAKANJ 5 1 2 2 4:5 5
8. NK ŠIROKI BRIJEG 4 1 1 2 5:4 4
9. FK VELEŽ 5 1 1 3 3:6 4
10. HŠK ZRINJSKI 3 1 0 2 1:2 3
11. FK RADNIK 4 1 0 3 5:7 3
12. FK ZVIJEZDA 4 0 2 2 4:9 2 (tl)

Date: 17-08-2019